

愛上只係識咗一個禮拜嘅你 (GL)

作者: 井井井

Powered by [紙言](#)

人物設定

人物設定

咁因為可能有d人唔係好清楚個人設係咩啦，咁我就特登寫篇人物設定嚟講番啦

- - -

禾薦格 - 一個 les，人如其名，鐘意靈異嘢。係一個賤格，有一個叫 hss 嘅重色輕友 frd。

薦格為人比較內向，對人冷淡，除左熟左嘅人知道佢平時比較 on 9 之外，唔熟嘅人會覺得佢係一個無感情嘅人。對住其他人脾氣好差，但係對住 wcw 脾氣就莫名變好 (?) 因為 個 Ex

所以由本來一個捨己為人嘅人變左一個唯我獨尊嘅人

· 覺得自我利益最重要，其他人點諗，發生啲咩事，唔涉及到佢嘅話就覺得唔關佢事，唔會多理。

對住鍾意既人講野特別唔直接。

(不過以上性格會因人而異)

Wcw - 薦格鐘意嘅人，一個18歲嘅好搵串女仔。係 bi

· 第一日識禾薦格就串到人咁心臟病發作。講野好直接，唔鐘意任何關於鬼嘅野，唔鐘意廢柴

(但係會自己本身就係廢柴)，唱歌好難聽，但係好鍾意成日嚟到唱歌，理科人，覆 message

覆得好慢，好鍾意出夜街，無端端就會話好嬲，唔鐘意熱，所以晏晝少出街 (?)

Hss - 薦格嘅 best frd，

好鍾意放閃，情商低，同薦格識咗7年，佢地鬧嘅交隨時仲多過你地食嘅飯。通常會同

薦格互相講感情煩惱同各種心事，所以稱得上對方嘅愛情軍師。

愛情呢家嘢真係好麻煩

大家好，我係一個對愛情失去信心嘅麻甩系女子 - 禾薦格

我係一個有恐男症嘅LES

· 以前仲會對愛情抱有幻想，但係。。。自從個ex之後，我已經覺得愛情係一樣好無聊嘅野。可能睇到呢度你地已經懷疑點解一個對愛情信心嘅人會愛上一個只係識咗一個禮拜嘅女仔

· 咁我就慢慢講返成件事嘅經過啦

- - -

Hss：「喂薦格，我出左pool啦 !!!!」

我好hea 咁答：「嘩恭喜晒呀，係唔係果個之前交友app識嘅男 (on9) 仔呀」

Hss：「之前heyxxxxxxxxx識果個囉，佢真係超好架。。。。。。。(然後一堆讚自己 Bf 15mins 嘅廢話)

係接下來嘅15mins 佢一直喺到講呢啲廢話，而我只可以忍住鬧9佢嘅衝動，聽足 15mins 嘅廢話

--

去到4月，停課真係好無聊，日日都係瞓覺同瞓覺zzz

突然我醒起之前 Hss 果個交友app

心諗：橫掂無聊冇野做，就down 嚟玩下囉

download 完個 app 之後，佢會叫你填寫個人狀態，就會有個list，show online

嘅人，當你對出現喺個list 嘅人有興趣就可以邀請佢

A網友：Hiiii

我：Hi

A：你做緊咩呀

我：聽歌

A：Oic

然後。。。。我哋之後就冇傾過任何野

而接下落嚟幾個都係同樣情況，唔係冇野傾，就係好尷尬，甚至有人鬧我太冷淡，話我咁一定識唔到女

- - -

玩咗半個鍾，我已經覺得好撚燥底:|

完全唔明點解Hss 咁都出到pool

(Hss :係你桃花運屎啫。。。)

去到臨瞓前我諗住睇下個app，見到有個叫 直接 c 嘅女仔invite 我

而個一瞬間，我做左啲唔符合我人設會做嘅野

Tbc -----

吊胃口作者就係我:D

呢個究竟係唔係我

前文提要：去到臨瞓前我諗住睇下個app，見到有個叫 直接 c 嘅女仔invite 我而個一瞬間，我做左啲唔符合我人設會做嘅嘢

-

因為網絡問題，我accept 唔切，突然之間我竟然喺個list到不停咁搵，想搵返佢。呢種行為完全同我平時嘅為人唔同，但係當時我冇理到，而我，亦都唔知點解會有咁嘅行為

大概搵咗兩分鐘，我搵返佢

當時有種莫名其妙嘅興奮，好似好慶幸自己搵返佢咁

我：「Hi,你係唔係岩岩 邀請我果個:D」

Wcw:「ys ar」

.....然後傾左有耐，我地開始傾電話

Wcw:「你覺唔覺得你講野好冇主語，又冇邏輯」

我：「Xxx 你」

然後。。。佢就喺到瘋狂串我，大概串咗一個鐘

我當時差啲髒到心臟病發，不過。。。唔知點解明明佢喺到串緊我，平時嘅我應該會覺得佢好乞人憎，但係點解我對佢，好似無討厭嘅感覺。明明識咗一日都冇，我最憎呢啲一嚟就串9人嘅人，但係點解我一啲都唔覺得討厭，反而好想佢串多啲我

-

第二日同 班 Frd 講左我識咗 wcw

佢地嘅反應係

「平時脾氣好差嘅薦格竟然會唔care人咁串你？太陽又西邊升起咩？」

「佢應該係第一個串薦格然後未死嘅人」

聽完佢地咁講，我先發現，原來我對wcw，係用一個完全唔同嘅態度。

就好似第二個人咁。我唔知點解我會有咁嘅行為，當時嘅我亦都有話諗大多，認為因為係網友所以先對佢態度會好少少。

而此時此刻，屬於我嘅掙扎與逃避嘅自我心理戰正式開始

-

我返到去屋企，一如既往開始做平時嘅野

大概到夜晚六點，我見到 tg 有人send message 嚟

Wcw:「你聽日考咩呀」

當時我以為佢又會好似之前個幾個咁，唔會再傾，完全冇諗過佢會搵我

我：「英文，歷史。我今日中文地理炒硬:)」

「今晚call 唔 call 」

當我send完之後先發覺，呢句嘢顯得我好似好想call 咁，本身諗住 delete ,但係佢已經見到

Wcw: 「你幾點瞓，我夜啲打比你 」

我: 「今晚通頂，OK 」

-

明明只係短短嘅對話，但係我對此充滿疑惑，我甚至覺得呢個同 wcw tg 嘅人，完全唔係我，就好似有第二人格咁。

「究竟。。我發生左啲咩事」

TBC-----

第二女主正式出場;))

如果想更瞭解個人設，可以去睇我岩岩 upload 嘅果編-人物設定

恭喜你，你已經陷入愛情嘅漩渦

前文提要：明明只係短短嘅對話，但係我對此充滿疑惑，我甚至覺得呢個同 wcw tg 嘅人，完全唔係我，就好似有第二人格咁。

「究竟。。我發生左啲咩事」

-

直到而家，我發現我對佢嘅態度真係比較特別，但係問題係，我自己都唔知點解

Hss：可能係你鍾意左佢？

但係我分人係唔會鍾意一啲只係識咗短時間嘅人，我唔相信一見鍾情，甚至覺得好兒戲
我鍾意佢？唔好講笑啦，對愛情冇信心嘅人點會鍾意人，點會去care人
當說服完自己之後，以為呢個就係最後嘅結論
但係接下嚟嘅件事，顛覆咗我嘅言論

-

我無聊問佢

「你依家喺邊」

而佢過咗兩個鐘都未覆

個陣大概1000，我知佢份人會出夜街，去飲酒

呢個時候我唔知點解有仲難以解釋嘅燥底，同

擔心。擔心佢做咩咁耐都唔覆機，擔心佢會唔會有咩事。以我亦都解釋唔到呢種情感出現嘅由來。
明明互不相干，明明識咗冇幾耐，點解我會成日諗起佢，點解為左佢而燥底，而擔心中嘅不安，令到我想尋求解答

同左 Hss 講，而佢再次講到

「恭喜你，你已經陷入名為愛情嘅漩渦」

TBC - - -

下篇會長啲

「擔心」，我好似好耐冇講過

前文提要 :同左 Hss講，而佢再次講到
「恭喜你，你已經陷入名為愛情嘅漩渦」

當時我完全俾唔到反應，想駁返轉頭
但係。。。完全諗唔到任何理由

「你因為佢好耐冇覆機而擔心，而燥底，咁樣已經說明你好在意佢」

我靜咗，其實我知道我對佢嘅感情，唔係普普通通，做 frd
個種。一直對佢態度同情緒已經好清晰話俾我聽，我禾薦格-鍾意左 wcw
只係。。。我嘅內心係咁諗，但係我接受唔到

「我唔會鍾意任何人，佢只係普通網友，由一開始係，永遠都係。。。」

「咁你有咩證據證明你唔鐘意佢」 hss 反問我

「我唔會對任何人有愛嘅感覺，亦都唔相信愛情」

「有時有啲人會有破例，而 wcw
整整就係。跟隨你自己嘅內心啦，禾薦格。你認咗佢啦，你已經鍾意左佢。不過就算你擔心都冇用，
橫掂佢就本身就冇理由要講比你聽佢去邊」

就係咁我懷著忐忑不安嘅心情溫書，一邊擔心 Wcw，一邊思考 hss 所講嘅野

-

Wcw 終於覆左 tg

而我按耐不住對佢嘅擔心，將心底話講晒出嚟

「點解咁耐都唔覆我，你知唔知我好擔心你，雖然我知我自己唔係邊個，冇資格咁樣質问你，但係我真係好擔心你」

「擔心」，我好似。。。好耐無對人講過呢個充滿關心同曖昧嘅詞語

TBC - -

之後應該都會係心理描寫比較多

原來我真係鍾意咗你

前文提要

Wcw 終於覆左 tg

而我按耐不住對佢嘅擔心，將心底話講晒出嚟

「點解咁耐都唔覆我，你知唔知我好擔心你，雖然我知我自己唔係邊個，冇資格咁樣質问你，但係我真係好擔心你」

「擔心」，我好似。。好耐無對人講過呢個充滿關心同曖昧嘅詞語

- - -

「我啱啱去咗集會，而家喺sogo」

一聽到佢冇事我即刻如釋重負

同時亦都思考緊我內心真正諗緊啲咩

我究竟用咩身份去擔心佢

網友？朋友？定係陌生人？

我知道自己其實佢好在意佢

但係我真係唔敢妄下定論

一直好糾結

好感？鍾意？定係愛？

因為曾經衝動嘅決定，而導致我唔明究竟自己係愛 定係鍾意

無論係錯愛 定係誤會愛人

我都唔想再做錯判斷

- - - -

「今晚可唔可以call呀」我tg佢

隔咗一個鐘佢覆咗

每次佢tg我

我都係秒回

但係佢每次都係隔一兩個鐘先覆我

我有時會諗其實我純粹睇得佢太過重要

而對方其實冇特別去在意

我希望佢只係太忙

- - - -

「我今日去咗北角 好彩趕得切喺班狗嚟之前走到」

佢同我分享佢今日嘅事

「我幾擔心你會唔會比狗咬，好彩你冇事，話說你近排咁得閒嘅，夜晚唔洗落bar咩？」我問佢

「因為你唔想我去丫嘛」

嗰陣我有一刻覺得

原來佢都係在意我嘅

但係悲觀嘅我覺得

「點可以咁輕易信人，人哋氹你幾句就開心到咁」

- - - -

傾完電話之後

我再次陷入沉思

經過今日嘅經歷

我知道佢喺我心目中佔有好重要嘅地位

而我終於決定認清自己真正所想

「原來我真係鍾意咗你」

- -

TBC